

MPANGO WA 2024 WA
UMILIKI WA HISA KWA
WAFANYAKAZI

I'M IN!

**TAREHE 5 JUNI —
TAREHE 19 JUNI 2024**



L'ORÉAL

WWW.INVEST.LOREAL.COM

Yaliyomo

03.

UJUMBE KUTOKA KWA
NICOLAS HIERONIMUS

04.

UREMBO: THAMANI ISIYOPUNGUA
KATIKA SIKU ZIJAZO

05.

MPANGO WA L'ORÉAL WA UMILIKI
WA HISA KWA WAFANYAKAZI

08.

MASHARTI
YA USAJILI

11.

RATIBA YA OFA

**Ujumbe
kutoka kwa
Nicolas
Hieronimus**



“ Tungependa kuimarisha zaidi ugavi huu wa thamani kwa watu wengi iwezekanavyo kwa kuruhusu kila mtu kuwekeza kwa kasi yake. ”

NICOLAS HIERONIMUS
Afisa Mkuu Mtendaji

Kwa Wafanyakazi wa L'Oréal,

L'Oréal imekuwa makini sana kila wakati kushiriki nanyi mafanikio yake na kuwapa fursa ya kuungana kwa karibu na mustakabali wa kampuni.

Kila siku, kote ulimwenguni mnachangia mabadiliko yetu kuelekea L'Oréal iliyo ya kidijitali zaidi, yenye uwajibikaji zaidi, endelevu zaidi, na inayobadilika kwa urahisi; na siku baada ya siku unaonyesha jinsi ahadi hii inavyotufanya kuwa tofauti na kuwa na nguvu zaidi.

Hii ndiyo maana, tangu 2018, mipango mitatu ya umiliki wa hisa kwa wafanyakazi imetolewa na hii leo zaidi ya wafanyakazi 37,000 kati yenu wanamiliki hisa; hii inaonyesha imani yenu katika mustakabali wa Kampuni, na ninawashukuru kwa hilo.

Tungependa kuimarisha zaidi ugavi huu wa thamani kwa watu wengi iwezekanavyo kwa kuruhusu kila mtu kuwekeza kwa kasi yake na kuwa mmiliki wa hisa¹ ya L'Oréal.

Hii ndiyo sababu tuna nia, kuanzia mwaka huu, kuweka mpango wa umiliki wa hisa kwa wafanyakazi kila mwaka, hivyo kutoa fursa kwa kila mwajiriwa wa L'Oréal kuwekeza katika hisa za Kampuni chini ya masharti ya upendeleo, na hivyo kusaidia katika maendeleo ya kampuni.

Mpango huu utatolewa katika nchi zote inapowezekana pamoja na ufikiaji wa juu kwa wafanyakazi wapya katika kampuni.

Nawaachia mgundue masharti ya mpango huu utakaozinduliwa mwezi ujao wa Juni na ambao natumai utakuwa wa mafanikio makubwa.


Ninawashukuru kwa kujitolea kwenu na uaminifu wenu na mnaweza kuamini kujitolea kwangu kila wakati kuifanya L'Oréal kuwa kampuni yenye mafanikio inayotengeneza, kwa kushirikiana nanyi na kwa juhudi zenu urembo unaovutia ulimwengu.

¹Kwa njia isiyo ya moja kwa moja kupitia FCPE.

Mpango wa umiliki wa hisa kwa wafanyakazi


Urembo, thamani ya uthibitisho wa siku zijazo

BEI YA HISA YA L'ORÉAL KATIKA EURO KUANZIA 2013 HADI 2023 (TAREHE 31 DESEMBA 2023)



Chanzo: Thomson Reuters Datastream

MABADILIKO YA MGAO WA HISA KWA KILA HISA KUANZIA 2013 HADI 2023



Mgao wa hisa kwa ujumla ni sehemu ya mapato ya jumla ya Kampuni ambayo, kwa uamuzi wa Kikao cha Wenye hisa, inasambazwa kwa wenye hisa.

MGAO WA BONASI (KATIKA EURO)

2023	7.26
2022	6.60
2021	5.28
2020	4.40
2019	4.23
2018	4.23
2017	3.90
2016	3.63
2015	3.41
2014	2.97
2013	2.75

Onyo: utendaji uliopita hautoi hakikisho la utendaji wa baadaye.

L'Oréal huchapisha hati za maelezo mara kwa mara, haswa za kifedha, kwenye tovuti yake (www.loreal-finance.com). Unahimizwa kukagua hati hizi, ikiwa ni pamoja na Hati ya hivi majuzi zaidi ya Usajili Wote, ambayo ina maelezo muhimu yanayohusiana hasa na biashara, mkakati na malengo ya kampuni, vipengele vya hatari vilivyomo katika kampuni na biashara yake, pamoja na utendaji wake wa kifedha na wa ziada.

Mpango wa umiliki wa hisa kwa wafanyakazi

Mpango wa kila mwaka wa umiliki wa hisa kwa wafanyakazi



MPANGO WA KILA MWAKA WA UMILIKI WA HISA KWA WAFANYAKAZI²

Mwaka huu ni hatua muhimu katika ugavi wa thamani ndani ya L'Oréal, kwani Kampuni inanuia kukupa fursa ya kushiriki katika mpango wake wa ununuzi wa hisa kila mwaka.

Kukupa fursa ya kuwekeza katika hisa za L'Oréal, kupitia FCPE, kila mwaka huonyesha dhamira yetu thabiti ya kufanya umiliki wa hisa wa wafanyakazi upatikane kwa upana zaidi ndani ya Kampuni. Kuwezesha ufikiaji wa Mpango wa Umiliki wa Hisa kwa Wafanyakazi kila mwaka kutakuwezesha kuwekeza kwa kasi yako mwenyewe.

JE, NANI ANAWEZA KUSHIRIKI?

Wafanyakazi wote walioajiriwa kwa miezi 12 mfululizo katika Kampuni ya L'Oréal kufikia tarehe 19 Juni 2024 na ambao bado watakuwa wameajiriwa tarehe 19 Juni 2024.

KWA KUSHIRIKI KATIKA MPANGO HUU, UNAWEZA KUFURAHIA FAIDA KADHAA

Punguzo la asilimia 20

Kama mfanyakazi, bei ya usajili unayonufaika nayo katika Mpango huu inajumuisha punguzo la asilimia 20. Hii inajulikana kama punguzo.

Bei ya usajili kwa kila hisa ya L'Oréal itawekwa tarehe 31 Mei, 2024 na itakuwa sawa na bei ya marejeleo kisha kuondoa punguzo la asilimia 20. Bei ya marejeleo ni wastani wa bei za ufunguzi wa hisa ya L'Oréal kwenye soko la hisa iliyowekwa kati ya tarehe 3 na 30 Mei 2024 (imejumuishwa).

Kwa Mpango huu mpya wa Umiliki wa Hisa kwa Wafanyakazi, L'Oréal huongezea mchango wako binafsi kwa mchango wa kulinganisha wa hadi hisa 3.

Utapokea mchango wa kulinganisha wa hisa mwishoni mwa kipindi cha kufunga, mnamo au karibu na tarehe 31 Julai 2029. Hisa hizi za bila malipo zitatolewa kwako, mradi wewe ni mfanyakazi wa Kampuni ya L'Oréal tarehe hiyo (isipokuwa ikiwa imebainishwa vinginevyo katika "Nyongeza ya Eneo Lako").

Mchango wa kulinganisha wa hadi hisa tatu

² Ofa za siku zijazo za hisa zitategemea idhini ya awali ya wanahisa wa kampuni na Bodi yake ya Wakurugenzi, kwa idhini ya mamlaka husika, haswa AMF ya Ufaransa (*Autorité des Marchés Financiers*), hadi kukamilika kwa taratibu zinazohitajika na wawakilishi wa wafanyakazi, na hali ya soko na kiuchumi. Masharti yanayotolewa yanaweza kutofautiana mwaka hadi mwaka.

Kwa usajili wa 2024 wa **+** L'Oréal itachangia katika 2029 hadi **=** Jumla ya kiasi cha uwekezaji wa 2029

Hisa 1	Hisa 1	Hisa 2
Hisa 2	Hisa 1	Hisa 3
Hisa 3	Hisa 2	Hisa 5
Hisa 4	Hisa 2	Hisa 6
Hisa 5	Hisa 2	Hisa 7
Hisa 6 na zaidi	Hisa 3	Hisa 9 na zaidi

Kwa hisa sita au zaidi zitakazonunuliwa, utapokea kiwango cha juu zaidi cha mchango wa kulinganisha wa hisa tatu mnamo 2029.

Kwa kulinganisha, katika mipango ya awali, kiwango cha juu cha mchango wa kulinganisha kilikuwa hisa nne kila baada ya miaka miwili, yaani, kiwango cha juu cha kinadharia cha hisa mbili kwa mwaka.



UMEJISAJILI³ KWA HISA TATU KATIKA 2024

+



UTAPOKEA HISA MBILI ZA L'ORÉAL KATIKA MCHANGO WA KULINGANISHA KATIKA 2029

=



UWEKEZAJI WA JUMLA WA HISA TANO KATIKA 2029

Katika hali hii, kwa bei ya marejeleo ya €430 kwa kila hisa ya L'Oréal, bei ya usajili kwa kila hisa itakuwa €430 - punguzo la asilimia 20 = €344, yaani malipo ya €1,032 kwa hisa tatu za L'Oréal. Kwa kuchukulia kuwa bei ya hisa ya L'Oréal itakuwa €430 tena tarehe 31 Julai 2029, thamani ya uwekezaji wako katika 2029 itakuwa €2,150. Hii inachukulia kuwa thamani ya hisa za bila malipo mnamo 2029 ni sawa na bei ya marejeleo.

Usajili wako katika 2024
3 X €344 = €1,032

+

Mchango wa kulinganisha utakaotolewa na L'Oréal katika 2029
2 X €430 = €860

=

Jumla ya uwekezaji katika 2029
(3+2) X €430 = €2,150



Kiigaji kinapatikana katika
www.invest.loreal.com



I'M IN!



Mgao unaoweza kupata

Mgao wowote unaolipwa na L'Oréal utawekezwa upya kiotomatiki katika "L'Oréal Employee Share Plan" FCPE, hivyo basi kuongeza idadi ya hisa unazomiliki. Hisa zitakazowekwa katika FCPE kwa miaka miwili au zaidi ya kalenda zitapokea bonasi ya asilimia 10 ya uaminifu.

Nyenzo za kulipia za usajili wako

Chaguo za malipo zinazopatikana katika nchi yako zimeorodheshwa katika Nyongeza ya Eneo Lako ambayo inaweza kupakuliwa kwenye www.invest.loreal.com.

Malipo ya ada za usimamizi wa akaunti

Ada za usimamizi wa akaunti hulipwa na L'Oréal kwa wafanyakazi wote wa sasa na waliostaafu. Ada za usimamizi hulipwa na FCPE. Kwa maelezo zaidi, tafadhali rejelea kanuni za FCPE.

Haki za kupiga kura zilizounganishwa na hisa zako

Haki za kupiga kura zilizounganishwa na hisa zako zitatekelezwa kwa niaba yako na mwanachama aliyechaguliwa wa Bodi ya Usimamizi ya "L'Oréal Employee Share Plan" FCPE.

Mpango wa umiliki wa hisa kwa wafanyakazi

Masharti ya usajili

JE, NINAWEZA KUWEKEZA KIASI GANI?

**KIWANGO CHA CHINI:
HISA 1 YA L'ORÉAL.**

Kila mfanyakazi anajitolea kuhakikisha kuwa kiasi cha uwekezaji wake hakizidi asilimia 25 ya makadirio ya mshahara wake wa mwaka wa 2024⁴.

**KIWANGO CHA JUU:
HISA 20 ZA L'ORÉAL.**

Kiasi hiki kinaweza kupunguzwa ikiwa mpango utapokea usajili mkubwa.

Unaweza kubadilisha usajili wako hadi siku ya mwisho ya usajili, yaani, tarehe 19 Juni 2024 (saa 23:59, saa za Paris). Mwishoni mwa kipindi cha usajili, chaguo zako za usajili zitakuwa za mwisho na haziwezi kubadilishwa.



JE, NINAJISAJILI VIPI?

1

INGIA KWENYE

WWW.INVEST.LOREAL.COM

2

**BOFYA KWENYE KITUFE CHA
"KUJISAJILI"**

3

**INGIA KWENYE AKAUNTI KWA
KUTUMIA KITAMBULISHO NA
NENOSIRI ULILOTUMIWA**

4

**KAMILISHA
SKRINI YA USAJILI**

5

**USISAHAU KUTHIBITISHA USAJILI
WAKO**

**Agizo moja tu la usajili kwa kila
mfanyakazi limeidhinishwa.**

UWEKEZAJI KATIKA HISA ZA L'ORÉAL, KUPITIA THE FCPE, IKIWA SEHEMU YA PLAN INTERNATIONALE D'ACTIONNARIAT SALARIÉ (PIAS AU MPANGO WA KIMATAIFA WA UMILIKI WA HISA KWA WAFANYAKAZI)

Katika Mpango wa L'Oréal wa Umiliki wa Hisa kwa Wafanyakazi, hisa zinashikiliwa kupitia “L'Oréal Employee Share Plan Relais 2024” FCPE (*Fonds Commun de Placement d'Entreprise au Fedha za Umiliki wa Hisa kwa Wafanyakazi*).

Madhumuni ya hazina hii ya muda ni kukusanya michango ya usajili ya wafanyakazi; zitaunganishwa na “L'Oréal Employee Share Plan” FCPE⁵ baada ya kukamilika kwa ongezeko la mtaji. Kufuatia kuunganishwa kwa hazina hizi mbili, utamiliki hisa katika “L'Oréal Employee Share Plan” FCPE.

“L'Oréal Employee Share Plan” FCPE ni hazina ya hisa iliyotengwa kwa ajili ya wafanyakazi wa Kampuni wanaotaka kuwekeza katika hisa za L'Oréal. Kila mfunyakazi atapokea idadi fulani ya hisa za FCPE kulingana na uwekezaji wao.

Bodi ya Usimamizi, iliyo na wafanyakazi waliochaguliwa kutoka miongoni mwa wamiliki wa hisa na wawakilishi wa L'Oréal, inasimamia ukaguzi wa usimamizi wa FCPE hii⁶.

UWEKEZAJI WAKO UNaweZA KUATHIRIWA NA MABADILIKO YA BEI

Uwekezaji wako unalingana na bei ya hisa ya L'Oréal na unategemea mabadiliko ya bei ya hisa ya L'Oréal. Kwa hiyo huwa hatari ya kupoteza mtaji.

Kwa hivyo, kulingana na bei ya hisa, thamani ya mali yako wakati wa kuondoka inaweza kuwa chini ya uwekezaji wako wa awali.

Kwa kuzingatia viwango vya hatari kwenye dhamana za kampuni moja tunapendekeza utathmini haja ya kuweka akiba yako kwa njia mseto ili kueneza hatari. Tafadhali rejelea kanuni za FCPE ili kupata maelezo zaidi kuhusu hatari zinazohusiana.

Tafadhali kumbuka kuwa kwa nchi zilizo nje ya Ukanda wa Euro:

Kwa vile hisa ya L'Oréal inaorodheshwa katika Euro kwenye Soko la Hisa la Paris, thamani ya uwekezaji wako itatofautiana katika kipindi chote cha uwekezaji kulingana na mabadiliko ya kiwango cha ubadilishaji kati ya Euro na sarafu yako. Hii inamaanisha kuwa Euro ikiongeza thamani dhidi ya sarafu yako, thamani ya hisa katika sarafu yako itapanda. Kinyume chake, Euro ikipoteza thamani dhidi ya sarafu yako, thamani ya hisa katika sarafu yako itashuka.

⁵Mfuko wa Daraja utaungana na FCPE ya “L'Oréal Employee Share Plan” kwa idhini Bodi ya Usimamizi na kulingana na idhini ya Autorité des Marchés Financiers (AMF). FCPE ya “L'Oréal Employee Share Plan” imewekwezwa kwenye hisa za L'Oréal. Kutokana na hali hiyo, wanaojisajili wanashauriwa kukadiria hitaji la kupanua akiba zao. Ni muhimu usome Waraka wa Taarifa za Msingi (“KID”) wa FCPE ya “L'Oréal Employee Share Plan”.

⁶Tafadhali rejelea kanuni za FCPE.





KUWEKEZA KATIKA HISA ZA L'ORÉAL NI UAMUZI WA KIBINAFSI

Kabla ya kuamua kuwekeza katika mpango huu, tunakuhimiza usome ripoti za hivi karibuni za mwaka na nusu mwaka za Kampuni ya L'Oréal. Zinapatikana kwenye [loreal-finance.com](https://www.loreal-finance.com).

Hati hizi zina maelezo muhimu zinazohusiana na Kampuni, biashara yake, mkakati wake, utendaji na hali ya kifedha, pamoja na hatari zilizopo katika Kampuni na biashara yake.

Maelezo katika brosha hii yametolewa kwa ajili ya kukufahamisha tu na haitoi ushauri wa kifedha au ushauri wa uwekezaji kutoka L'Oréal. Uamuzi wako wa kushiriki katika ofa ni wa hiari na wa kibinafsi kabisa.

UWEKEZAJI WAKO UNAFUNGWA KWA MIAKA 5, ISIPOKUWA KATIKA HALI ZA KUONDOKA MAPEMA KWENYE KAMPUNI

Uwekezaji wako utafungwa hadi tarehe 30 Julai 2029, isipokuwa katika hali zilizoidhinishwa za kuondoka kwenye kampuni mapema (hali hizi zimetajwa katika hati ya “Nyongeza ya Eneo Lako”).

Utapokea hisa zinazotolewa chini ya mchango wa kulinganisha mwishoni mwa kipindi cha kufungwa, mnamo au karibu na tarehe 31 Julai 2029, mradi wewe bado ni mwajiriwa wa Kampuni ya L'Oréal katika tarehe hiyo (isipokuwa ikiwa imebainishwa vinginevyo katika “Nyongeza ya Eneo Lako”).

Mwishoni mwa kipindi cha miaka 5 cha kufungwa, unaweza:

1. kuweka mali yako katika “L'Oréal Employee Share Plan” FCPE kwa kipindi utakacho,
2. kuuza uwekezaji wako kwa kuomba ukombozi wa hisa zako.

JE, NINI KITATOKEA KATIKA TUKIO LA USAJILI KUPITA KIASI?

Ikiwa jumla ya maombi ya hisa itazidi idadi ya hisa zinazotolewa kama sehemu ya Mpango wa Umiliki wa Hisa kwa Wafanyakazi, usajili mkubwa zaidi (pamoja na mchango wa kulinganisha) utapunguzwa hadi jumla ya idadi ya hisa zinazotolewa chini ya mpango huo itakapofikiwa.

Ikiwa mpango utapata usajili kupita kiasi, utafahamishwa kuhusu kiasi cha usajili wako wa mwisho mara tu mchakato wa kupunguza utakapochakatwa.

Ratiba ya ofa



UAMUZI WA BEI YA KUJISAJILI

Utaarifiwa kuhusu bei na kiwango cha ubadilishaji kwenye tovuti ya www.invest.loreal.com, kwa barua pepe na kupitia ubao wa matangazo.

Jisajili sasa kwa moduli ya “arifa za Barua pepe” inayotolewa kwenye www.invest.loreal.com ili kuipokea kwa barua pepe.

Tarehe 31,

MEI 2024

(SAA 23:59 USIKU -
SAA ZA PARIS)

Tarehe 5 - Tarehe 19

JUNI 2024

KIPINDI CHA USAJILI

Katika kipindi hiki, unaweza kufanya usajili wako kwenye tovuti www.invest.loreal.com kwa kubofya “Kujisajili”.



ONGEZEKO LA MTAJI NA UTOAJI WA HISA

Utaweza kuona hisa zako baada ya tarehe ya ongezeko la mtaji, yaani baada ya tarehe 30 Julai 2024, kwenye tovuti ya mwenye akaunti yako.

Tarehe 30,

JULAI 2024

TAREHE YA KUTOLEWA KWA MALI (BAADA YA KUFUNGWA KWA KIPINDI CHA MIAKA 5)

Katika tarehe hiyo, unaweza kuchagua kati ya:

Kuhifadhi mali yako katika “L’Oréal Employee Share Plan” FCPE au Kuuza hisa zako kwa kuomba kurejeshewa sehemu au mali yako yote.

Tarehe 31,

JULAI 2029

AU TAREHE 31

JULAI 2029



UTOAJI WA HISA ZA BILA MALIPO

Mradi wewe bado ni mwajiriwa wa Kampuni ya L’Oréal katika tarehe hiyo (isipokuwa ikiwa imebainishwa vinginevyo katika “Nyongeza ya Eneo Lako”).



Onyo la "Mfanyakazi wa Marekani": FCPE iliyoendelezwa kwenye Mpango huu haijafunguliwa kwa usajili wa Wafanyakazi wa Marekani (maelezo zaidi kuhusu kizuizi hiki yanapatikana katika Kanuni za FCPE na kwenye tovuti ya kampuni ya usimamizi: www.amundi.com).

Kutokana na vikwazo vilivyowekwa kwa sasa na Umoja wa Ulaya, ofa hii haipatikani kwa raia au wakazi wa Urusi ambao hawana kibali cha makazi au uraia wa nchi ya Umoja wa Ulaya, Eneo la Kiuchumi la Ulaya au Uswizi, au kwa raia au wakazi wa Belarus ambao hawana kibali cha makazi au uraia wa nchi ya Umoja wa Ulaya.

Ili kupata maelezo zaidi, tafadhali rejelea hati ya kanuni na maelezo muhimu ya "L'Oréal Employee Share Plan" FCPE.

JE
PARTICIPE! - KAZBAM
ДА! - IYO DIGO SÍ! - JÁ ŘÍKÁM
ANO! - MA ÜTLEN JAH! - Я ГОВОРИЮ
SAYA IKUT! - ΛΕΩ ΝΑΙ! - JA SAM ZAI! - 我
תאמין! - I'M IN - SAKAU JAM TAIP! - MÓWIE
TAK! - JA TAKK! - ฉันตอบตกลง! - EU SPUN DA! JE
PARTICIPE! - BEN DE VARIM! I'M IN - IO DICO SÍ!
-JAG SÄGER JA! - I'M IN - Я КАЖУ ТАК! - NASEMA
NDIYO! - A VÁLASZOM IGEN! - PRISTAJEM! - 算
我一份 मुझे इसमें शामिल करें! - SANON - I'M IN - HO-
VORÍM ÁNO! - IK DOE MEE! - ICH BIN DABE!
JE PARTICIPE! KAZBAM DA! - IYO DIGO SÍ!
JÁ ŘÍKÁM - I'M IN - NASEMA NDIYO!
IYO DIGO SÍ! - A VÁLASZOM
JE PARTICIPE!

L'ORÉAL

WWW.INVEST.LOREAL.COM